

D N.

REMIIGII

DE GONNI,

I. V. Doctor.



10
18135

De Immunitate Ecclesiarum,

quo ad personas confugiētes ad eas, Tra-

ctatus aureus, Consuetudiniq;

quotidianæ perutilis.

NE SCRIBAM VANVM;

DVC PIA VIRGO MANVM;



Num. 42. cap. 6. num. 35.



TOLOSÆ;

Ex Prælo Guidonis Boudeuillæ;
Academiæ Typographi.



1550.

~~Handwritten signature or scribble~~

I N D E X

R E M I G I V S

de Gonni, I. V. Doctor

Lectori Salutem.



COGITANTI mihi candide Lector, præclarum illud Platonis dictum, quod tantopere probatur Ambrosio, nos solis nobis natos nõ esse, ortusq; nostri partem patriam, partem parentes, partem amicos vendicare: Visum est si quid possem utilitatis in communem humani generis societatem, proferre, quia existimarem id verissimum esse quod Stoicis placuit, homines hominum causa esse procreatos. Sed qua re potissimum prodesse possem multum diuq; dubitavi. Huius autem dubitationis causam sustulerunt honesta illa, quibus iampridem me addixeram, Iuris civilis studia, quod q̄ sit homini necessarium facilius est animo concipere, q̄ oratione exprimere: Quãtis enim quæso commoditatibus eius ignaratio rerum publicarũ administratores & his subiectos ciues priuat: quò diligentius elaborandũ est in scientiæ legitimæ interpretatione faciẽda, de qua etsi multi multa dixerunt, nõ tamen omnia sic excusserũt vt omne auferrẽt posteris quo se exercerẽt argumentũ. Id planũ est, vel ex eo Themate, quod mihi tractandum destinavi, in quo explicando Laconismo vt cõstitui summa quæq; capita perstringẽs, vt magnitudo utilitatis vincat copiã orationis. Hoc totum in tuam gratiam susceptum est optime lector, liberaliter accipe quod ab animo benefico proficiscitur, & existima non officiorum genere, sed voluntatis bonitate benignitatem esse metiendam. Bene vale.

TRACTATUS

perutilis, & quotidianus de im-
MUNITATE ECCLESIARVM,

quoad personas confugientes ad eas:

Domini Remigij de Gonn.

Iuris vtriusq; Doctoris.

Nescibam vanum, duc pia virgo manum.

Summarium.

- 1 Casus in quibus fugiē. ad Ecclesiā non gaudeant immunitate.
- 2 Varia Doctorum traditio circa immunitatis Ecclesiarum tractatū.
- 3 Quæ proprie dicatur libertas seu immunitas ecclesiastica.
- 4 Ecclesia decem immunitates habet.
- 5 Immunitas Ecclesiastica iure diuino probata.
- 6 Et iure canonico permessa.
- 7 Iure & à iure civili comprobata.
- 8 Et apud Romanos antiquitus obseruata.
- 9 Asylum apud Romanos quid dicebatur.
- 10 Homicida latro, aut alius reus ad Ecclesiam fugiens an possit per Iudicem secularem inde realiter extrahi.
- 11 Fugiens ad Ecclesiam duplicem habet immunitatem.
- 12 Fugiens ad Ecclesiam si uult sponte sua ab illa exire immunitate gaudere debet.
- 13 Si sua ipsius sponte ab ecclesia exierit, & postea per Iudicem secularem ad mortē uel aliam penam damnetur non ob id offensa creditur Ecclesia.
- 14 Quid in his hodie usus recipiat.
- 15 Leges Hispanie circa immunitatem Ecclesiasticam.
- 16 Lex Papinia complectitur. Nouem priuilegia & libertates quibus Ecclesia gaudere debet.
- 17 Lex Secunda, quid statuat.
- 18 Legis tertie, tenor exprimitur.
- 19 Lege Quarta, quid caueatur, uide.
- 20 Lege Quinta, quid statutum sit.
- 21 Fugiens ad Ecclesiam propter tributa principis, an inde extrahi debeat.



Ista materia, im-
munitatis Ecclesiarū, quoad per-
sonas confugientes ad eas Docto-
res vtriusq; iuris multum inter se
discrepant. De iure civili † sunt
plures casus, in quibus fugiētes ad
Ecclesiam, non gaudent illius im-
munitate. glo. in l. 2. C. de his qui
ad Ecclesias confugiunt, in auten.

de manda. principum. §. neq; autē, col. 3. & ibi glo. Iac. de bello

A viso

Exor-
dium.